

約章成案匯覽

約章成案匯覽乙篇卷十下目錄

成案

租借門 租建類

全權大臣李奏酌定天津俄國租界事款摺

光緒二十七年

外務部奏鼓浪嶼地方議作各國公共租界未便兼護廈門摺

光緒二十八年

外務部附奏德奧義三國在崇文門設立墜地片

光緒二十八年

北洋大臣袁奏天津新訂義奧日本三國租界次第議定摺

光緒二十九年

二十九年

美國駐使康照會天津退還租界請仍撥給文

光緒二十七年

英國駐使薩函稱天津美界暫由英工部管理情形文

光緒二

十八年

總署咨山東煙臺租地准給各國分租文

同治五年

總署咨與日使商訂蘇州租界沿河地段准上下客貨不能建

造文

光緒二十三年

粵督陶咨與英領事改正香港新租界綫文

光緒二十七年

鄂督張咨德商美最時洋行在漢鎮龍王廟碼頭蓋造貨棧以

便駁船卸貨不准租地傳輪文

光緒二十八年

署鄂督端咨准美商美孚洋行在日本租界擬建火油池地基

文

光緒二十九年

署閩督崇咨英商續租鰲峯書院地畝作跑馬場文

光緒二十

九年

署滇督丁咨騰越領事在騰城東門外租建領事衙門文

光緒

二十九年

津海關道呈天津碼頭捐擬請華洋合收分用稟

光緒八年

津海關道呈天津碼頭捐議定華洋合收分用並送會議節略

稟

光緒八年

天津道張蓮芬等會勘天津英租界存留餘地並呈合同圖說

情形稟

光緒二十七年

江海關道呈議定法商碼頭捐費稟

光緒

年

江海關道詳定英商碼頭捐費文

光緒 年

江海關道詳覆推廣上海英美租界文

光緒二十四年

江海關道詳滬南十六鋪修造馬路工程文

光緒 年

滬南工程局呈請抽收滬南馬路捐費文

光緒二十四年

江海關道札遷租界內華人墳墓文

同治十一年

江海關道示諭洋商租地仍照章會委查辦

同治三年

約章成案匯覽乙篇卷十下

成案

租借門

租建類

全權大臣李奏酌定天津俄國租界事款摺

光緒二十七年

奏為酌定天津俄國租界事款恭摺具陳仰祈

聖鑒事竊查各國聯軍深入連陷天津京城西法以兵力所至之

區視為應得之地現雖與之開議而各國所佔之地率皆劃

分段落監彼國旗將來逐條議明自必將踞地商令退去但

市廛繁盛堪作商場者彼必據為己有現在各立界牌拆毀

房屋開通道路經營不休適俄國駐京全權大臣格爾思會

晤述及天津城外為各國通商口岸俄國向無租界擬求河
東地一段以為通商市場臣查河東之地民居尚不甚多惟
其中有鹽坨為長蘆鹽商築鹽存鹽之所當告以鹽法為我
國課餉大宗不容廢置且係商人世業斷不能價賣於人應即
一律劃出不入租地之內該使臣隨即應允欲先立草約以
便日後逐節細商臣查各國在天津均有租界俄商獨無論
理本覺偏枯今既來就範圍以禮乞請自應允許使彼心向
我益堅現東三省商議交還事機甚切姑從所請訂立草約
二條先與畫押蓋印彼此各執一分為憑謹鈔錄清單恭呈
御覽除咨明總理各國事務衙門查照外所有酌定天津口岸俄

國租界緣由恭摺由驛

奏陳伏乞

皇太后

皇上聖鑒訓示謹

奏

外務部奏鼓浪嶼地方議作各國公共租界未便兼護廈門

摺 光緒二十八年

奏為閩省鼓浪嶼地方議作各國公共租界未便兼護廈門擬
將該督原訂第十五款漢文章程刪除恭摺仰祈

聖鑒事竊准光緒二十八年正月間閩浙總督許應駙奏稱閩省

廈門為各國通商要埠鼓浪嶼係距廈西南小島四面環海
商賈素稱繁盛自臺灣外屬之後廈門地當衝要民心浮動
鎮撫維艱美國巴領事請將鼓浪嶼開作公地藉可保護廈
門當由興泉永道延年與各國領事會商再三磋商時閱數
月始克就範現議各款揆以公地之義尚屬相符且廈門均
歸一體保護實於地方有裨當將章程草約會同簽字咨送
外務部查覆等語_臣等細繹該督原奏所稱於兼護廈門一
節極為注重乃檢閱原約漢文第十五款載有鼓浪嶼既作
公地各國官商均在界內居住廈門為華洋行棧所在商務
尤重應由中外各國一體互相保護而檢查洋文於此條則

空留未填不特漢洋文原約不符且究竟各國領事於此條
曾否議定甚有關繫當即咨行該督查明聲覆去後旋准領
銜美國使臣康格照稱鼓浪嶼公界章程各國兼護廈門一
事各使臣以為僅於鼓浪嶼立租界合同不能言及兼護中
國地土各國領事實無此權即各使臣非奉本國之囑亦復
無此權力合同內立此條款係屬無用請按前定章程辦理
等情復經臣部電令許應駁奏明辦理茲於九月十七日復
准許應駁奏稱鼓浪嶼草約合同第十五條兼護廈門一節
各領事以此條洋文須候駐京各國公使覈填現在各使既
稱領事無權則外間無從商辦惟華洋合同未便兩歧請

飭外務部與各國公使仍照華文填寫或即以華文為憑此項草約本已聲明必須候

朝廷批准方能遵行倘各使不允儘可將前約作廢等因臣等伏查廈門地當衝要實為閩省屏藩該督議訂鼓浪嶼租界章程擬令各國一體兼護意在預防他國專行窺伺不為無見惟廈門係中國地方本非外人所能干預若明定約章強令各國互相保護轉失自主之權於義無取若因各國不允保護遽議將前約作廢無論各使未必允從即今就我範圍竊恐名既不正言又不順亦將重貽列邦訕笑現在領銜使臣康格既稱非奉本國之囑無此權力又謂合同內立此條

款係屬無用原訂洋文章程又未載明臣等公同商酌不如
將原訂漢文章程第十五款保護廈門一節逕行刪除較為
簡淨查該督咨送鼓浪嶼漢文地界章程共十七款除刪去
第十五款外其餘十六款於公地之義尚屬相符自應請
旨准行以符原約而敦輯睦如蒙

俞允即由臣部咨行該督並照復領銜使臣康格知會各使臣一
體遵照辦理所有鼓浪嶼租界未便兼護廈門情形理合恭
摺具陳伏乞

皇太后

皇上聖鑒謹

奏 光緒二十八年十月二十二日具奏奉

旨依議欽此

外務部附奏德奧義三國在崇文門內設立塋地片

光緒二

十八年

再上年三月間接據德奧義三國使臣照會內稱前因駐京兵丁人數衆多有死亡者不能不擇地埋葬當於二十六年秋間將崇文門內迤東靠城根空地一塊勘定作為德奧義三國人民葬埋之所務希出示曉諭附近居民不許騷擾暨有損害情事並請立一碑碣用顯明字樣鐫刻妥為保護等語當經臣等派員前往查勘該處已有三國葬埋之墓所佔

之處半係官地半係菜園均屬空曠之所確與民居無礙維
時大亂甫平和約未定勢難拒其所請且已葬之墓更難強
令遷移惟有仰體

朝廷矜恤遠人之意照復允准仍限定四至不使稍越範圍以
免日久推廣除將四至地基闢以圍牆並豎立碑碣以誌起
訖外理合附片陳明伏乞

聖鑒謹

奏 光緒二十八年二月十七日奏奉

硃批知道了欽此

北洋大臣袁奏天津新訂義興日本三國租界次第議定摺

光緒二十九年

奏為天津新訂義與日本三國租界次第議定恭摺具陳仰祈
聖鑒事案照天津新訂各國租界經前督臣李鴻章派員與各國
會同商議業將俄比德英四國租界先後訂定其義國設立
租界日本推廣租界未及定議臣蒞任後接續商辦與國租
界援案索請迭飭津海關道唐紹儀前天津道張蓮芬候補
道錢鏐與駐津各國領事次第勘訂磋商再四始就範圍臣
查天津口岸英德日本等國向有租界庚子之亂各國軍隊
在津佔據地址無租界者既經索給有租界者亦議擴充此
次所訂義與日本三國租界援案辦理以有俄比等國訂約

在先未便令其向隅詳核所訂條款尚屬妥協均經飭與畫押蓋印彼此分執為憑除將華洋文合同地圖分咨外務部查核備案外所有議定天津義與日本三國租界緣由理合恭摺具陳伏乞

皇太后

皇上聖鑒謹

奏

美國駐使康熙會天津退還租界請仍撥給文

光緒二十七年

為照會事案照聯軍在天津管理時有數國政府乘機在該處佔出寬大地段作為租界及別項之用惟美國於佔地一

節無此情事緣本國所最樂意辦法係欲各國公立租界不願分行辦理現時天津形勢似不能按照公立辦法茲奉本國政府來文囑請中國仍將前所退還人所共知之美國租界復行撥給因現已設定中外和平交涉之約是以仍按理請復撥還此地此項租界係坐落英與德租地中間之一段全地由北河起至大沽之大道而止此即人所共知美國租界之四至也應俟以後再派人員詳測此地以定界限在一千八百六十年中國撥與英法租界時即撥分此地作為美國租界曾由美國領事經營數年嗣於一千八百九十六年六月二十七日退還中國因本國彼時之意以為此地可以

退還現時中國情形改變迥異從先故本國必須欲復行管理在津郡地方有美國與他國同管租界係於中國實為有益再者數日前於和約未畫押之先曾向

全權李爵相談及於此當由

李爵相允將此地再行撥給美國並願相助辦理相應照會貴親王查照希即允照所請迅即立飭該管地方官遵照辦理

貴外部自改設數月以來本大臣乘此機緣初次照會所請者即此按理能行之事聊以作為交涉和衷之慶可也須至照會者

右照會外務部

英國駐使薩函稱天津美界暫由英工部管理情形文

光緒

二十八年

逕啟者天津英國租界西南即英德兩租界之間有臨河地段向有美國租界乃美國官場總未取用諒在

貴部堂洞鑒之中本年春間據本國租界工部局稟稱此項地段既無工部局管轄素為藏垢納污之區近兩年經聯軍駐劄此等弊端似水之歸壑且與本租界毗連其鄙穢情形敝局不能不視為重要已於上年春間曾以設法將此項地段歸入敝局所管推廣界內稟經前任甘總領事面商德美

兩國領事均無異言請為酌核前來本大臣據此當與美國
康大臣晤商旋經

康大臣復云此項地段如能互定美國船隻永可在彼儘先
停泊如美國政府將來欲管其地應先期一年知照英工部
局並與該局商酌補還各項經常公費本大臣即允其歸於
英工部局管轄等語茲特函請

貴部堂查照一律允准將其地歸於本國工部局管轄又查
英租界下游近兩年為聯軍駐守所有暫造之浮橋與該處
河面船隻往來大有妨礙而天津口岸必應有通海暢道以
為商務要端日後如有意建造橋梁務須先與本國工部局

商酌方可定議北河兩岸雖有各國租界而河道仍隸
貴部堂治下將來若有意在英界下游築造通橋應請先行
飭與英工部局妥商庶免英商歷年之利益有所損失是為
切要

石致北洋大臣

總署咨山東煙臺租地准給各國分租文

同治五年

為咨行事同治五年二月二十日據英法兩國照會煙臺租
地之案現經會同商定毋庸專歸法民承租並將前立界石
起除除礮臺左近不得租賃外其餘均准各國公共租用至
礮臺左近應留地址若干本衙門礙難懸揣應由

貴大臣轉飭東海關監督斟酌安定除應留地界嚴諭該民人等不准租與各國外其餘地畝准令各國分租惟不得租給一國之人致令各國再有他說相應咨行轉飭遵辦須至咨者

右咨三口

總署咨與日使商訂蘇州租界沿河地段准上下客貨不能

建造文

光緒二十三年

為咨行事光緒二十三年正月初九日准日本內田署使照稱明治三十年二月初八日接准復稱緣蘇界沿河十丈地段原議留歸中國自用日本臣民祇能任便行走不能在該地

面上有所建造等因上月二十日前往貴署談及此層貴王大臣面述該地原備建設路燈馬路等項一切公共之事所有日本臣民任便使用該地段上下客貨繫泊船隻等事并無不允當經電稟外務大臣今來文乃云日本臣民祇能任便行走未免字義較狹恐為日後爭端仍請按照上月面述之言聲明至於不能在該地面上有所建造并無異議等因前來本衙門查蘇界沿河十丈地段既經內田署使照准日本臣民任便上下客貨繫泊船隻仍聲明不能在該地面上有所建造自可照辦除照復外相應咨行

貴撫查照可也須至咨者

右咨江蘇巡撫

粵督陶咨與英領事改正香港新租界綫文 光緒二十七年
為咨呈事光緒二十七年五月二十七日接廣州口英總領
事照稱新租界界綫一事前經迭次文牘往來在案現又准
香港總督來文將從前王委員存善與駱署輔政司簽押之
合同照印一紙較對無訛請轉送兩廣總督閱看等因本總
領事准此茲將香港總督送來之英文合同照送查香港總
督之意係欲將該合同內所有事理逐件照行以免將來致
有誤會之處本總領事前准香港總督來文所謂曾於四月
十三日照會貴部堂議論一切在案香港總督切盼此次所

送合同即以是日照會之言為註解茲將該照會再抄一紙
附送貴部堂查閱該文內已將潮漲能到一語除去改為水
盡見岸字樣緣貴部堂日前來文曾經言明水盡見岸與潮
漲能到意本相同如用潮漲能到恐彼此或至誤會也至於
深圳河界綫現亦將北岸潮漲能到一語除去改為北岸字
樣此岸字即以貴部堂五月初七日來文內所論岸字為準
經此次彼此論定有案則從前王委員與駱署輔政司所訂
合同界綫語意一事貴部堂儘可放心大約英權所至一則
大鵬海深灣兩處係至岸為止二則流入大鵬海深灣及深
圳河北邊之各河港係至港口為止三則深圳河係至北岸

及與租界陸地相接之處為止為此照會附送英文合同及
照抄改正四月十三日照會各一紙等由前來查此事前接
英總領事四月十三日照會當以香港總督所言英權可至
各海灣潮漲能到之處與深圳全河至北岸潮漲能到之處
語頗寬泛易滋誤會嗣後新租界各海灣與華界毗連者應
以沿灣水盡見岸之處為界其劃歸租界內之深圳河則仍
照王道所訂合約以北岸為界所有與大鵬深洲兩灣及租
界內之深圳河毗連各河港俱以口門左右兩岸相對直綫
為界似此詳晰聲明則彼此官差人等自可了然等語照復
轉致暨分別咨行並於本年四月二十五日咨呈

貴衙門察照在案接文前由除照復外相應咨呈為此合咨
貴衙門謹請察照施行須至咨呈者

右咨總署

鄂督張咨德商美最時洋行在漢鎮龍王廟碼頭蓋造貨棧
以便駁船卸貨不准租地停輪文 光緒二十八年

為咨呈事據湖北漢黃德道江漢關監督岑春煊詳稱竊照
光緒二十八年正月二十四日准署職關稅務司斌爾欽照
開光緒二十八年正月二十一日據德商美最時洋行稟稱
該行現擬在大阪公司碼頭上首之河岸租地一段不拘年
限將所租地內民房盡行拆毀蓋造貨棧並請在河岸設立

躉船以便停泊該行輪船起卸貨物等情前來本署稅司查該行原有一躉船停泊德國租界之內所有該行輪船均在此停泊現據該商稱該處躉船距華場較遠諸多不便故另擬租地云云本署稅司當飭理船廳親自前往該行擬租之地詳細查驗丈量約畧呈圖稟覆以該處江流甚緊時常衝刷漢岸且魯麟行前面河岸又與漢河口相近倘若在此設立躉船俾輪船時常往來於裝載人客划船定遭危險當輪船開駛之時須將船頭鐵錨暫行置放水中以便船身易於周轉而該躉船亦有鐵鍊繫住似此則上水小民船當流水緊急之時尤多險阻且與兩湖輪船公司碼頭亦相毗連等

語本署稅司查理船廳所稟各情形係老練閱歷之語而且該行擬租之地長不過六十六英尺所設躉船至少須二百尺長方能合用每輪船之長約有二百五十尺左右倘准其在該處安設躉船停泊輪船勢必至侵佔他人之地茲據前情所有理船廳繪呈之圖相應一併照送為此照會貴監督請煩查照該行設立躉船可否允准之處希即酌奪迅速見復施行等情當經職道以德商美最時洋行請設立躉船之處正當襄水出江之衝漢鎮龍王廟碼頭渡江民划甚多每值襄河水漲時流勢迅捷近年往往有民划及載貨駁船因水急碰撞大阪公司躉船輒遭覆沒之事今德國本有租界

在通濟門外業已設立躉船現擬移設地段在大阪公司之上距襄河口門尤近若一經設立則水漲時洄流湍急上下民船碰撞覆溺之事勢必更多此猶指有礙民船而言已不能准其設立況查安設躉船至少非二百尺不可泊輪河面更長今美最時擬買江岸僅六十六英尺亦斷不敷用自未便准予設立躉船停泊輪船以免貽害惟美最時洋行於該處附近本有棧房其地如已買成自應准其蓋造貨棧修築石級坡岸准其起刹停泊租界輪船貨物以敦睦誼照復稅務司諭飭該行遵照去後茲准照復內開接准來文當即諭飭該行遵照辦理旋據美最時洋行函稱既經貴監督允准

在該處蓋造貨棧修築石級坡岸該行自應遵依台囑不在
該處設立躉船停泊輪船祇用小輪拖帶駁船起卸停泊租
界輪船貨物相應照復查照等因准此職道伏查該商美最
時祇在該處蓋造貨棧修築坡岸用小輪拖帶駁船起卸貨
物不復安設躉船停泊輪船以免襄河水漲時與民船有害
尚屬妥洽除札飭漢陽府夏口廳查照外相應具文詳請核
咨等情到本部堂據此相應咨呈為此咨呈
貴部謹請查核備案施行須至咨呈者

右咨外務部

署鄂督端咨准美商美孚洋行在日本租界擬建火油池地

基文 光緒二十九年

為咨呈事據署湖北漢黃德道江漢關監督陳兆葵詳稱竊
照上年十一月間准職關稅務司斌爾欽照稱據美商美孚
洋行稟擬在議展日本租界內萬家廟地方建設火油池並
蓋造火油棧房遵照德商瑞記味咤章程辦理一案前經岑
升道以查勘美孚擬建油池棧房基地與中國鐵路車站相
近未便准行照復令其另行擇地建造並因駐漢美領事魏
禮格照會不願將美孚洋油行之地任別國國作租界復經
援引前定日本初次租界條款分別照會日美兩領事自行
商辦並因續准美領事照稱美孚洋油堆棧費銀二十五萬

然言及日本不任美孚作事則大受虧折惟有錄送駐京大臣
核辦等情當將辦理情形詳報憲台咨明

外務部備查旋奉行准

外務部歌電內開美康使函稱漢口商展日本租界彼所欲
展界內即美國人之地多有不便美國人不願將其地歸入
他國界內美政府亦斷不允請迅速設法等語希詳查妥籌
辦理等因又經查案呈請咨覆在案嗣美國魏總領事迭赴
憲轅暨職關饒舌以美孚油池所花費用甚鉅必欲准予設
立而後已查該油池本營造在先其勢難以中止亦係實情
不能不予通融辦理以敦睦誼惟萬家廟地方現在雖未劃

給日本展拓租界將來如果定議必須總領事將他日此地如歸日界當遵租界章程與日本領事自行商辦不與中國相涉並聲明遵照瑞記咪咤章程合同凡進口火油每一加倫繳報効捐款錢七分半即此地日後劃歸日本租界亦須議歸中國收捐照復立案方能照辦由岑升道暨職道先後照請明晰示復去後茲准魏總領事照復紐約美孚公司在萬家廟自置地基建造房舍貿易請貴監督給一允准字樣一案該公司願遵照二公司章程辦理每十加倫繳捐銅錢七箇半文該地方將來如歸別國租界該總領事自當與彼國領事自行商辦不與中國相涉所有油池捐款前有照復

與咪噠瑞記一律辦理倘日後地歸租界彼時相干此事之人妥議和平抽捐辦法照復查照等因並送華洋文合同一紙前來職道伏查此案既准美總領事照復美孚油池地基將來如歸別國租界當與彼國領事自行商辦不與中國相涉所抽捐款彼時妥議平和辦法書立華洋文合同由該總領事簽字蓋戳照送前來自應准其建造除照復該總領事查照飭知並札行地方印委各員查照外理合具文詳報查核咨明

外務部查照等情到本兼署部堂據此相應咨呈為此咨呈貴部謹請查照施行須至咨呈者

右咨外務部

署閩督崇咨英商續租鰲峯書院地畝作跑馬場文

光緒二

十九年

為咨呈事據福建善後洋務兩局司道詳稱竊照福州鰲峯書院等處置有坐址閩縣時昇里地方田畝按年收完租穀撥為肄業各生膏火等項應用前因英商租賃該田作為跑馬場限定二十年為滿年納租銀二七庫七二元洋銀一千四百元分作四季交納每季首由英領事送交福州府撥用業由書院紳士與英商議立租據章程形圖於光緒七年三月間詳奉會咨嗣於光緒十三年十二月間准英法美俄

各國領事照請減租經前辦通商局回奉前督憲允准按年減租四百元自光緒十三年十一月十八日起按年收租一千元仍令四季交納其餘仍照光緒六年所訂九條章程行事不得異言商辦完妥又經照抄來往照會詳辦各在案迨至該馬場限期屆滿即准英國領事函請續租當經照擬租據底稿送請核飭承租洋商及董事各行號就稿登填送局核辦去後久未定議旋復催准英國徐署領事飭據董事等議定再先續租十年以一千九百零三年正月起到一千九百一十二年十二月底止以後限滿再應展定租期現在租價照舊每年仍繳洋銀一千元函請繕辦等因當查該地

租約原議二十年限期計自光緒六年十二月初八日起至
光緒二十六年十二月初八日止已屆期滿其光緒二十七
年二十八兩年即西曆一千九百零一年零二年前項租銀
雖未立約均據照數繳府收欸現約以自一千九百零三年
為始是無不可此外租銀改為年底繳送亦無甚出入自應
照准繕立華文租據一式四紙發府傳同紳士畫押轉發閩
縣蓋印送局併經照准英國雷領事簽字蓋印添備洋文租
約二紙照送前來理合詳請併將華文租據及繕譯洋文租
約抄繕清摺隨送會咨等情到本兼署部堂據此除詳批示
外相應咨呈為此咨呈

貴部謹請察照施行再閱海關將軍係本兼署部堂本任毋庸會銜合併聲明須至咨呈者

右咨外務部

署滇督丁咨騰越領事在騰城東門外租建領事衙門文緒

二十九年

為咨呈事據雲南騰越同知兼管關務葉如桐詳稱前因騰越領事麻賡恩在騰城東門外覓得公地一區擬照中國各口岸辦法備價承租修建領事衙門當經卑職會同陞任雲南提督前騰越鎮張查照蒙恩成案傳同地方紳耆議定價銀壹千兩照覆麻領事去後昨於四月二十四日准烈領事

照稱已准其工部委員來電云該地果屬無虧即照價購買
本領事亦無異議茲將地價銀一千兩恭送祈為查收立收
單三條畫押定實現查貴國各口岸辦法每逢承租之地皆
由賣主書立租約以及地基坐落丈尺四至並地方官印篆
繕明發給為據應請貴監督飭令該紳等聯名具契二張並
祈蓋印發給買主彼此互換為據其一張應存本署一張轉
發敝國工部存案等因准此當經四月二十九日傳集城鄉
紳耆繕立租契三張以一張存案以二張加蓋卑廳關防照
交烈領事其租價銀一千兩亦於是日發交學校紳管具領
所有繕立租契理合照鈔詳請咨明

外務部查核備案等情到本署部堂據此所有鈔契相應咨呈為此咨呈

貴部謹請查核備案施行須至咨呈者

右咨外務部

津海關道呈天津碼頭捐擬請華洋合收分用稟

光緒八年

敬稟者竊照各處通商口岸修築碼頭平治道路凡於商旅一切有益工程無不取給商捐即上海租界早經洋商施工尚於籌防捐內歲提數成以為貼修碼頭之用然與其捐貼於後曷若興辦於前天津為北洋通商總匯之區商賈輻輳舟車絡繹而自紫竹林至郡城一帶地勢低窪街道逼窄平

時貨車碾軋本易損壞偶遇陰雨泥深沒踝行旅居民均苦不便沿河泊岸傾圮官民船隻起卸皆形艱阻查洋商租界早已按貨收捐街道修治平整然租界之地有限是以洋商屢有勸令華商出捐之議以冀共成善舉惟此等工程必應籌有歲修之款隨時興作既未便動支公款自應按貨抽捐方足以資經久經職道詢准招商局唐道來咨謂洋商本有碼頭費每成本千兩收銀一兩專歸修路之用華商現願不分進口出口一律收捐亦不亞於洋商則可由租界接至津城按照洋人築地之法俾得坦平洵於地方有益開平礦局購來木料機器及將來出口煤鐵亦一體照章報捐以示大

公而成盛舉曾經面商稅司亦以為然間有華商晤敘及此不獨行旅歡騰即商運貨物亦多順手况捐數無多似當樂從無阻等因並據德稅司來函言修理天津道路泊岸擬仿上海之碼頭捐辦法本稅司及各領事聞之無不傾佩查津埠各洋商運來之貨皆係該商每年自行核算成本按每千兩捐銀一兩繳入工局支用至於華商碼頭捐最好歸新關代辦以期華洋一律等因職道等商酌再三此舉實為華洋各商望成之舉若能興辦積細成鉅凡一切有益商旅之工皆可隨時舉行似取於商者無多惠於商者實遠且久擬請憲核批准並出示曉諭從明年正月開關起凡屬華商貨物

毋論進口出口復進口均按成本每千兩抽銀一兩即於新
關收稅之時照數帶收彙解關庫以備工用所有天津地方
擬仿上海籌防捐辦法抽收碼頭貨捐緣由理合稟請示遵
右稟北洋大臣

批據稟並摺均悉紫竹林至郡城一帶地勢低窪街道偏窄
沿河泊岸日見傾圮自應設法籌款修治以利舟車該道以
洋商本有按貨抽捐之事擬於華商貨物不分進口出口復
進口均按成本每千兩捐銀一兩由新關收稅時照數代收
彙解關庫以備工用從此積微成鉅凡有益商旅之工皆可
逐漸舉辦取於商者無多而利於商者可資遠久仰再詳察

妥商定議並由關道擬具示稿呈送核辦此繳

津海關道呈天津碼頭捐議定華洋合收分用並送會議節

略稟 光緒八年

敬稟者天津華商議辦碼頭捐一事昨經職道揭錄原案稟請核咨在案茲於三月初二日復會同英法俄德各領事集議問華商應辦何工款需幾何應先報明等語惟於前議華洋合捐分用章程華商得九分之七英法得九分之二各領事咸請將華商所得之數稍為減少如能允准英法兩租界可將靠船之費一併議減當以減靠費為中外商情所願事涉大局遂允將華商碼頭捐改為得九分之六英法得九分

之三各領事當俱樂從復囑英法領事將減靠船之費亦即議定比據英領事寫明輪船每噸儀減為四分五釐即四先士半其先固收六先士也帆船每噸儀減為三分即三先士其先固收五先士也每洋銀一元合百先士蓋減去四之一或五之二法領事亦准照議凡附住英界之德俄美各領事無不欣然職道並言如此議定則華商碼頭捐合捐分用不可毫有牽制方能照行英領事遂寫所議節略各領事亦照寫一紙當俱畫諾簽字職道並即畫諾至所議節略內修路二條用銀五萬兩後再推廣辦理他工等語係華商原議其用帳發交新聞以供衆覽各領事與關道每年會商等語係

彼此核實取益之道仍歸合捐分用除俟訂期收捐另文申報外合將現在碼頭捐事議定緣由并錄會議節略稟報察核轉咨

右稟北洋大臣

批據稟并清摺均悉所議尚屬妥洽自可照辦仰候彙咨總理衙門查核繳

附錄各國領事會議節略

各國領事深悉津海關道之意將碼頭捐一項作為修路工程經費所修之路有二一由英國租界南邊就現有之大沽路聯續至馬家口過海關道署至

督轅浮橋止馬家口東邊復出一枝至法國租界止此為第一條之路一由大沽路養病院起至天津城南門止此為第二條之路此兩條之路均用碎石鋪平兩旁均設溝道除街道過狹之處應拆民房無多可以設法購買外其餘均不購買拆毀民居約計辦理此項工程需時兩三年需費五六萬兩其碼頭捐應由新關於華洋各商進口出口重出口各貨徵收中國得三分之二英法租界共得三分之一此一分內計英得六成法得四成英國租界現得之碼頭捐計有三千兩日後英界所得碼頭捐較多即將靠船費減少輪船每噸俄可減至四先士半帆船每噸俄可減至三先士法國租界

靠船之費亦照英國租界辦理所有華商帳目亦仿照英法租界辦法發交新關以便衆覽海關道臺與各國領事交好有素於工程一事欲隨時互相籌議亦擬於各工局會議之先海關道臺每年與各國領事會議一次商酌重新照行此約之事現在英法德俄四國領事願將此約請各本國公使辦理海關道臺約明以上所陳工程完竣後尚有別項工程亦可照此議推廣辦理

光緒八年三月初二日法國領事狄 俄國領事兼美國領事韋 德國領事貝 英國領事布 會同津海關道周於船塢公所定議畫押

附錄各國公使批復領事官會議節略

西歷本年四月十九日天津各國領事官會同津海關道商定徵收碼頭捐節略凡貨物用洋船在天津裝載起卸無論華商洋商均按值千抽一其所得之捐至一千八百八十三年四月初一日止按照節略所開之法勻分支銷各國大臣擬照此法辦理惟仍須請示各本國國家各國大臣之意以爲一千八百八十三年四月初一日之後所收碼頭捐擬應捐作以下三項工程經費一作一千八百八十二年四月十九日領事會議節略所開中國修路之用 二作法英美三國租界修造碼頭之用 三俟一二兩項工程辦竣後應將

所收捐作為有益商務各項工程經費如開浚河道之類

天津道張蓮芬等會勘天津英租界存留餘地並呈合同圖

說情形稟

光緒二十七年

敬稟者竊職道等於本年三月十二日敬奉

憲札准英國薩大臣照會欲在英租界後身土圍子外預留
一地其地為三角形約地二千四百畝以備日後擴充英界
之用請立案存查等因又於四月初四日續奉

憲札准英國薩大臣照稱所留之地應照現送地圖綠線畫
出之四方形式等因同日又奉

憲札准英國薩大臣照稱前與德國穆大臣所云三角形之

地該地在車路東南現有英兵駐紮本大臣三月初三及二十七等日兩文並未言及其地若其地以後歸入德國租界本大臣並無不以為然之意等因飭令職道等攜帶前後所發圖件會同金總領事前往履勘詳議核奪等因奉此職道鑒已於四月十八日會同英國駐津總領事官金璋及英提督派出武官副將百爾格門前往地所周歷查勘其擬留之地照依第二次所送地圖染有綠線者東自土園子厚德門起西至英界寶士德馬路南首一直越過土牆斜向西南又折向東南至跑馬場大路之二道橋又順跑馬場大路東北至厚德門為止其地為斜方形式約有三千畝上下界內有

江蘇義園一所此外並無關礙之處職道當與金總領事言明江蘇義園係屬善舉應行存留自用將來英國用地不得購取此地既為英國存留自應訂立合同以為他日之據今職道等公同酌議章程數條應俟與金總領事會商辦理謹將合同草底呈請

鈞閱所有勘議英國預留租界緣由理合將原圖加註說略懇乞察核訓示祇遵再薩大臣所稱可以讓與德國三角形之地此地係從梁園門起西至厚德門又順跑馬場路南至洋人部駟所買之地向東北取一直線至梁園門為止論此地勢却在英國新界後身德國初次請留餘地未將此地劃

入後以英國亦未將此地指出故穆大臣與薩大臣相商願
留此地并入德界薩大臣允許願讓故穆大臣又向中國商
留此地職道查此地如歸德國南與德國預留之地相連北
以土圍牆為界西以跑馬場大路為界界限亦極分明亦無
妨礙之處前日與金總領事提及此事該總領事云薩大臣
已有飭知並無異言合并聲明

右稟全權大臣

江海關道呈議定法商碼頭捐費稟

光緒 年

敬稟者竊查法總領事白來尼請給碼頭公費一案前經職
道具稟於本年七月十五日接奉

鈞批法國巡費改為每年一萬兩常款則前給之四千兩自應停止鹽局巡費每月四百元一併停給應由道與之辨明得其遵依方可允付定議後照案詳咨善防局帶收碼頭捐款以之分給英法兩國約計不敷之數須由釐局湊撥者幾何鹽局巡費四百元是否浙局墊付如停止後仍應由局送局併入碼頭捐款收存以資貼補等因奉經核敘

憲批照會法總領事遵辦該領事始則以現議常款一萬兩與前定暫款四千兩各不相涉必須並送即鹽案巡費亦須送足一年將來華商開店仍須出費為詞迨職道親與反覆剖辯並委葛令繩孝疊次前往從旁開導白總領事僅允將

未付暫款銀一萬一千兩減去三千兩其餘八千兩改早付
期職道當又備文駁覆並再四與之面議該領事總因法局
經費不敷前議暫款不允全停鹽局巡費勉減兩月洋八百
元現於八月二十六日照覆到道以支離掩飾之說作強詞
奪理之舉察看情形無可再說茲將往來照會四件錄呈

憲鑒應否勉如所請以示寬大抑或照持前議之處伏候裁
示遵行至籌防局帶收碼頭捐款原為外國索取碼頭經費
而設每年約收銀一萬七八千兩應付英局洋一萬四千元
約合銀一萬兩加以法局銀一萬兩共銀二萬兩以收抵付
約計不敷銀二三千兩擬即由籌防局項下撥給緣此項銀

係職道辦理籌防局時創籌專備中外交涉之用以免釐局
另撥其法局前議暫款二萬二千兩除已由淞滬釐捐總局
撥付銀一萬一千兩並現減銀三千兩外計未付銀八千兩
如蒙恩准照給仍須由淞滬釐捐局撥解因碼頭捐不敷支
給茲將五年八月起至本年七月底止收放各數開冊另文
報明在案鹽務巡費每月洋四百元前經稟定由浙西官鹽
局籌送一半因鹽局並未按期解道係由道墊付除再催還
歸款外此後仍應由鹽局每月備洋二百元送道稍補碼頭
捐款之不足至於法國租界華商偷漏如果法局果肯幫查
則不但碼頭費收可望起色即如各項釐捐均有裨益統俟

定案後另行照會議辦並分別詳咨是否有當合肅稟覆

右稟南洋大臣

附錄道署照會法總領事稿

為照會事查貴總領事請給碼頭公費每年銀一萬兩一案當經本道轉稟茲於七月十五日奉

通商大臣爵閣督憲曾批開從前議給法國貼費四千兩係以五年為率之暫款今改為每年一萬兩之常款則前給之四千兩自應停止此係將一切巡捕碼頭等費全括在內則鹽局巡費每月四百元無論此後有無華商承開鹽店亦應無須另給蓋英局帶管美國租界只給以一萬四千元今法

局給以一萬兩其數已與英局相埒若不就此停止別項貼費甚不平允應由該道與之說明遵依自可允付又此項碼頭經費既經每年協貼至一萬兩之多則凡碼頭上下貨物如有架名洋商偷漏捐項等弊均應法國公董局幫同查拏以期兩有裨益等因奉此相應照會為此照會

貴總領事請煩查照轉飭公董局遵辦仍希示復施行
附錄法總領事白覆文

為照復事七月二十二日准

貴道照會內開本總領事請給碼頭公費每年銀一萬兩一案稟奉

通商大臣爵閣督憲曾批准允付應將前給暫款之四千兩
停止并鹽局巡費此後無論有無華商開店亦應無須另給
至上下貨物如有漏捐等弊公董局均應幫同查拏等因照
請轉飭遵辦備復等因到本總領事准此查此案已據狄副
領事暨葛補縣二員往來商議尚應備文照復

貴道可憑申詳祇以半月以來本總領事公私蠟集未能迅
復為歉碼頭公費每年給銀一萬兩既蒙

通商大臣照例批准並知安慶傳教士堂基之事亦蒙

通商大臣接約已飭妥辦欽佩殊深統祈代申謝悃此兩案
均蒙

通商大臣公允辦理凡與各國往來足徵便易惟來文內惜有未愜之處礙難遵飭照辦丁升道前與本總領事議定貼費四千兩之暫款係因禁賭貼給此案每年准給一萬兩之常款乃為碼頭捐議定兩不相涉前定四千兩之暫款該公董局遵已註簿現定一萬兩之常款是為凡是中國貨物有到本國界內者概不抽捐誠恐

通商大臣尚未洞鑒本國界內上下貨物較之他界頗多實因租界與滬城切近兼有大碼頭兩處本總領事所言皆係真切之語祈

貴道據實申詳所有四千兩之費該局業已註作欠款莫可

中止若欲停止又須華商多出捐項奈該華商等生意清淡未便多派捐款若鹽案巡費自本年法九月初一日以後毋庸再送本總領事前已允定決不食言既與

貴道和衷辦事必不致拂尊意惟此案巡費尚有五六七八四箇月共計應洋一千六百元未准交送

貴道幸勿忘懷此案巡費本總領事前允祇收一年仍有本年九月初一日至明年八月底止一年巡費該公董局業已短收應洋四千八百元此後鹽務擬請

貴道招一華商前來本國界內開店賣鹽本總領事可諭該公董局從減收費否恐該局另准洋商承辦又將多費口舌

然重慶府志卷之十七
二十九
矣再查賭案貼費銀二萬二千兩同治四年五月十六日允
定節准

貴衙門續送共計銀一萬一千兩仍有一萬一千兩未交未
交數內祇可減去三千兩尚須交銀八千兩此八千兩請改
於法九月底付銀一千兩十二月底付銀三千兩明年三月
底付銀二千兩六月底付銀二千兩以清貼費此事於該公
董局已大為勉飭無可再強因重

貴道諄囑本總領事自當和好從事望如弟兄一氣

貴道如以為然祈即詳請

通商大臣察核如奉批准隨時示知以便勸該局遵辦此事

本總領事本分已盡尚祈俯鑒並望

貴道妥善辦理可也至每年給銀一萬兩之常款前已收銀
二千五百兩作為法四月至六月之一季貼費嗣後請於法
九月底送銀二千五百兩十二月底送銀二千五百兩明年
法三月底送銀二千五百兩再此案本總領事前於六月二
十八日照會內有作為五月起至七月貼費字樣實係自法
四月起至六月為一季臨時誤寫合併聲明至本國界內華
商如有走私情弊本總領事決不寬縱也為此照復

附錄道署函復法總領事稿

啟者本年八月初十日准

貴總領事照復碼頭公費每年銀一萬兩所有鹽案巡費本年法九月初一日以後無庸再送尚有五六七八四箇月共洋一千六百元應交此後華商開店從減收費又賭案貼費未交銀一萬一千兩祇可減去三千兩尚須交銀八千兩改於法九月底付銀一千兩十二月底付銀三千兩明年三月底付銀二千兩六月底付銀二千兩至每年給銀一萬兩之常款自法四月起前次照會誤寫五月等因查此案

通商大臣所批前給貼費四千兩係五年為率之暫款今改為每年一萬兩之常款則前給之四千兩自應停止鹽局巡費每月四百元無論此後有無華商承開鹽店亦應無須另

給甚為公允

貴國公董局僅將暫款減去銀三千兩其餘八千兩又改早
付期且鹽案巡費五月至八月者既未允停此後華商開店
仍須出費本道實難轉稟况英局巡捕碼頭費每年洋一萬
四千元本道與英領事議定日後貿易不旺仍應酌減英局
亦經禁賭並無貼費之事乃

貴國公董局請給碼頭公費則以英局為言現議每年給銀
一萬兩已與英局一萬四千元洋數相等而前議四千兩之
暫款指為禁賭貼費不肯停止何又與英局不同況

通商大臣允給常款一萬兩一切巡捕碼頭等費全括在內

若十年之中貿易不衰逐年照付則有十萬之多矣今公董局一萬餘兩之暫款及鹽案巡費不允全停未免太過本道與

貴總領事和衷辦事總期彼此公平此事本道已竭力稟商通商大臣允給巨數實不容易尚祈仍諭公董局遵照

通商大臣批示辦理以便稟復至現定每年一萬兩之常款如將來貿易過衰亦應議減此時既須自法四月送起則四千兩之暫款與鹽案巡費均應自法四月起停止方為正辦茲查暫款已送至法六月底計透付銀一千兩鹽案巡費已送至法四月止計透付洋四百元此項透付銀一千兩洋四

百元均應作抵常款與前付二千五百兩一併核算並祈飭局知照至蒙

貴總領事允辦走私情弊此則本道所最深銘感者也

附錄法總領事白復文

為照復事八月十四日准

貴道來函以碼頭公費一案

通商大臣所批今改給每年一萬兩之常款則前給四千兩之暫款自應停止鹽局巡費每月四百元無論此後有無華商開店亦無須另給甚為公允今公董局僅將暫款減銀三千兩其餘八千兩又改早付期且鹽案巡費五月至八月者

既未允停此後華商開店仍須出費實難轉稟况英局巡捕
碼頭費每年一萬四千元貴國公董局現議每年給銀一萬
兩已與英局一萬四千元洋數相等今公董局一萬餘兩之
暫款及鹽案巡費不允全停未免太過函請諭令公董局遵
照批示辦理至現定每年一萬兩之常款既須自法四月送
起則暫款計已透付銀一千兩鹽案巡費計已透付洋四百
元此項透付銀洋與前付二千五百兩均應算入常款飭局
知照等因准此查此案本應迅復惟此易辦之事多費心力
實不勝煩但不能因煩而不辦合再詳細明言本總領事請
給之件有理而公先以鹽案論該公董局前與洋商彌樂納

立約辦鹽定以二年為期須扣至一千八百六十八年九月初一日始滿約內彌樂納每月出費四百元

貴道旋以洋商辦鹽諸多不便請將該商之約吊銷爾時曾經商議論理原難將該約吊銷因承諄囑允為商辦本欲藉得歡心也盡心勸飭該局已將該商之約吊銷言定貴道若不飭華商按約繳費本總領事即未便吊銷該約當承慨允後竟絕無華商辦鹽該局捐費礙難短收甚於局務有關

貴道願將巡費賠貼商請減去一年送至一千八百六十七年八月底止亦已盡力勸其減去一年但該局業已短收一年之費洋四千八百元溯自四月底以前每月四百元各已

送到尚未付之費亦知

貴道為難自五月初一日起曾允力為勸減該局不言理而準情辦理扣至八月底止共計應付之一千六百元已勸該局減去一半只須送洋八百元惟此案鹽費與現議碼頭公費銀一萬兩及禁賭內之二萬二千兩均不相干查英局亦收鹽費每於華商中有人多出巡費者即准其賣鹽歷年如此本年諒應仍此辦理再以禁賭賠款論如

貴道不樂以禁賭為名可改以賠還公董局六萬數內之款因該局前於每年計收賭費六萬兩也

貴道不願再付此款以奉批允給常款一萬兩一切巡捕碼

頭等費全括在內

貴道與

通商大臣尚未洞鑒按照和約凡來中國之外國官商

貴國均應保護甯波地方官如何辦理有案可稽保護云者
因不能保護本國自有巡捕是以有應貼巡捕費銀兩之謂
也本國界內巡捕費歲用銀四萬八千兩照理可請全給該
公董局不強

貴國所難設法收捐准華人開賭每年收捐六萬兩濟公且
賭本華人通病該局准其開賭明定條規免其滋事賭病之
根較深未能全拔准賭出費費歸該局尚為有裨

貴國以開賭有干例禁本總領事接

貴國之意早已飭禁惟前請飭禁賭時該局已短收銀兩自應賠補貴道或照約幫給巡捕費銀或再准開賭因賭乃貼巡捕費否則該局支絀不能不請

貴道幫給也至論現給銀一萬兩謂與英局之一萬四千元相等是欲倣隣界章程本總領事亦甚願照辦自一千八百六十五年七月初一日起本國公局所收若干英局所收若干試一比較少送本國公局洋一萬三千元本總領事如欲貴道與英國一律相待在貴道自付必致所費銀洋較多也此案多延時日極公之事

貴道不允即為不公大如

貴國官如

貴道焉能為不公之事乎若以本總領事所辦有理而公實為確論本總領事實盡心照辦本總領事之筆若致請有不公之事應將該筆毀廢

貴道如以本總領事之言見信或速或遲請煩查照昨今去文公平核辦最妙莫如請即俯允無庸再有辯論彼此煩瑣仍於公事無益也為此照復

江海關道詳定英商碼頭捐費文

光緒 年

為詳請事竊查同治四年閏五月間英國馬領事以碼頭經

費擬按進口貨物估價一千兩在由海關道收費銀一兩當經丁升司因海關收費事屬違約且多窒礙決絕回覆並稟奉

憲台咨呈

總理衙門在案本年春間英領事溫思達徇英董之請復申前說職道照案駁覆該領事以碼頭經費每年中國僅送八千元英局實不敷用必須再加八千元如中國難以措付惟有按貨抽收職道當以此項碼頭經費英局如何支用中國本不預聞每年貼洋八千元已不為少焉能復加一倍近年商力疲乏體恤不遑何忍再增捐費切實剖辨詎英董自派

洋人逕至新開銀號聲言即在銀號帶收華商碼頭經費當
即由道照會英領事禁止嗣據英領事以英局自收之舉既
已飭禁則每年貼費必須請益且此項碼頭貼費中國本在
釐捐項下開支釐捐出自商民若碼頭費接貨帶收數甚輕
減不致有累商之處與其動支釐捐作為貼費不若捐款帶
收較為簡捷職道細核所言尚屬近理惟按貨估價由關抽
費不特易滋流弊且與條約不符自應另定章程方為妥善
稟蒙批示抽收碼頭經費須由中國委員收放造報並與該
領事等言明除應支若干外如有盈餘歸中國充餉此後不
得再請加增一俟定案即行詳報等因奉經告知英領事帶

收此項碼頭費必須中國經理斷不能由英董舉辦每年請增洋數亦不能一萬六千元之多祇能於八千元外酌加二千元並須由英董寫立永不再加憑據存案往復辯論相持至七月二十九日始接英領事照覆此項碼頭費每年至少必須送洋一萬四千元日後貿易暢旺察看時勢會議斷不妄加瀆請等由當因該領事既以日後斷不妄加見覆不得不暫允所請一面札飭籌防捐局將抽費銀數妥議據覆即在向收華商籌防捐款項下每捐款銀百兩隨抽碼頭費銀八兩自八月初一日為始按數帶收每月截數專款解道核發其洋商自運之貨仍由洋商自辦不由中國收費以杜

籍口等情伏查籌防捐款本屬輕減今再按捐銀百兩收費
八兩為數甚微無損於商事由中國委員附局帶收不歸新
關稅司經辦較英領事原議估貨抽稅輕重懸殊且權操在
我既可杜洋人窺覷之漸其釐捐項下向貼之款亦可停撥
於中國軍需不無裨益除批遵照辦理並出示曉諭一面飭
令委員核實收解其英國碼頭經費即自本年秋季為始按
每年貼洋一萬四千元之數備送外理合詳請

憲台俯賜察核咨明

總理衙門備查實為公便

右詳南洋大臣

江海關道詳覆推廣上海英美租界文 光緒二十四年

為詳覆事本年八月十八日奉

憲台札准駐滬英總領事璧照會查推廣上海英美租界一事現在租界尚係道光二十三年江甯和約附列之通商章程所定載有彼此核定各通商口岸地方房屋以便西人居住等語後於道光二十五年前上海道與英領事商訂英商租界以洋涇濱為南界李家廠為北界等語嗣中美兩國官員照道光二十四年美國和約第七款又訂明虹口地方為美國租界歷年來上海商務日益繁盛前五十餘年英國所定之租界殊不敷用因此西國商行遠設租界以外西商所

租地畝亦多有出租界者以致無權辦理妨損取益之事再
租界四週增住居民日多地方污穢不治與西商大有妨礙
並有匪人托足闖入租界滋事因此推廣租界地方俾章程
得以一律管理事尤緊要貴大臣必深悉中西各商咸受租
界章程之益地方興旺試將租界內外地方情形比較立見
優絀今請推廣租界並不欲爭持華官之權凡干涉華民章
程必先由地方官允而後行並仍由會辦勒令遵照此貴大
臣所得知也現在推廣租界並非一國之利益各西國民人
皆有公舉工部局董事之權其章程由各國領事應允方可
施行至推廣租界之界限應由地方官商妥相應照請查照

札飭上海道與

英國

兩總領事會同商量妥辦同日又准駐

滬美國代總領事銜照同前由各等因到本大臣准此查此

案迭准駐滬

德法

總領事照會均經前後將擬難情形照復在

案上海通商數十載各國租界久經劃定界外華民住址本

已窄狹若可變通辦理本大臣無不樂從吳淞現已開闢商

埠由工程師劃定界址作為各國公共居住之所於八月十

一日設局開辦淞埠與滬界相連往來甚便似不必定在上

海擴界致多窒礙西國商行諒能悉此情形茲准前因除分

別照復外札道即體察情形詳復核奪等因奉此伏查英人

擴充租界一事黃前道任內即有此議蓄意已久緣工部局

以近年來租界用費日繁各捐收不敷放如將租界毘連之地劃入界內照章可以增捐濟費無非欲取華人之脂膏以遂彼族之慾壑而該處置有產地及開設行棧之不肖華人習焉不察以為一歸租界地價驟漲利市三倍洋貨又可免釐隨聳恿洋人轉請領事向職道衙門再四商辦祇以未便擅專節經駁阻今美領事串同一氣又以此事照會憲轅藉口西商界外租地居住無權管理婉轉陳請一若務期曲愼所願者今

憲台以吳淞開埠英美商人儘可前往安居樂業不必定請擴界於代籌中寓婉拒之意仰見體卹遠人固已情理兼至

惟法領事自甬案構衅以來藉端要求已奉

憲台電復准在西門外劃租百餘畝似即允其擴界之意現
經羅道會商尚無就緒夫擴界之議英人發端於先法人相
繼於後今法人既經允其於租界外另給一地而英美諄諄
情商轉未允其所請以彼例此不免較短絜長即援約均霑
尤恐易啟爭競與其多方羈勒卒未能就我範圍何如相機
通融尚不致有乖睦誼竊查英租界外北泥城橋跑馬場迤
西一帶西人住屋較多該處馬路係咸同年間西兵助勦賊
匪時興築早經工部局派有西捕往來巡哨似可劃入租界
作為英美兩國商人公共居住可否仰懇

憲台照復英美兩領事許其酌量擴界飭令關道俟法總領事西門外租地辦結後再行會商從長計議之處管見所及是否有當理合遵飭具文詳復仰祈

憲台俯賜察核裁酌示遵實為公便再奉發照復英美兩領事公文遵照

憲台電飭呈繳合併聲明

右詳南洋大臣

江海關道詳滬南十六舖修造馬路工程文

光緒 年

為詳請事竊查上年十六舖南市馬路經黃前道稟准開築以來工程轉胸告竣馬路既成商務繁興五方襟處爭競訖

詐之風在所不免彈壓稽查實為急務兼之馬車及東洋車通行之後照來攘往路易損壞常年修費亦所必需均應預為籌議職道擬於馬路左近官地擇中之處創建工程局遇有馬路應行修理責成該局估工稟辦平時則分撥滬軍親兵營勇作為巡捕查有奸宄拏獲到局送縣訊究惟該處馬路與法國租界緊接時有交涉之事總理之員非精明強幹熟諳中外情形不可查有福建儘先補用副將陳季同曾經出洋多年隨同

李傅相辦事最久通曉外國語言文字諳練洋情以之派委可期措置裕如將來應否參用西捕以資得力隨時察酌辦

理一應用最擬請酌仿租界章程就地籌捐並將清出左近
官灘查有若干畝分核定時價另行稟請

憲台准予召變除歸補馬路前次所估不敷工價外其餘一
併發典生息湊備修路造局之用現在工程局擬暫租民房
先由職道籌款備用仍俟收有民捐及稟准將地變價生息
再行陸續歸墊職道為保衛地方一勞永逸起見是否有當
理合詳請察核示遵再工程局詳細章程容飭委員酌擬總
期因地制宜於民利便俟議妥後另行稟報合併聲明

右詳江蘇巡撫

滬南工程局呈請抽收滬南馬路捐費文

光緒二十四年

竊照南市新築馬路業經敕局接收管理妥定善後章程設
捕彈壓燃點電燈僱夫清道凡一切便民之事均仿照租界
章程次第舉辦先後呈報各在案惟馬路時須修理以及清
道等費亦不貲加以設捕燃燈月需鉅款若不預籌捐輸誠
恐後難為繼查租界章程每地皮值銀一千兩歲抽捐規銀
四兩每房租值銀一百兩月抽捐規銀八兩又清道燃燈費
二兩共月抽規銀十兩敕局既於便民之事均仿租界章程
民間於急公之事亦定能踴躍輸將查各項車捐已照租界
定章減半收納用示體恤今地捐房捐亦應一律辦理是沿
灘一帶馬路以西擬自本年二月起各地值銀千兩者歲抽

捐規銀二兩不及千兩並不止千兩者以此推算由業主按
年正月照繳其所有房租每百兩抽捐規銀五兩不及百兩
並不止百兩者以此推算亦於本年二月起由各租戶按月
照繳各業戶租戶應將地契呈驗以定捐數否則聽局酌估
數目而敝局每至年底當將業主租戶姓名捐款數目以及
一切修理等公費造具四柱清冊呈請

貴道察核轉詳

撫憲仍將此項清冊刊送若干本分給各捐戶知照以表敝
局絲毫不苟涓滴歸公因民所利而利之心俟試辦一兩年
後視出入之贏絀再定捐款之增減統照租界工部局定章

辦理查所有各捐租界之人均無異詞南市同此子民斷不致易地抗違不遵又租界章程每煙館茶館凡點煙燈五盞月抽捐規銀一兩或多或少以此推算河內小船月抽捐洋五角貨船則視船身大小酌量抽捐今擬南市煙燈捐減為每五盞捐規銀五錢沿灘小船每船每月捐洋二角半其貨船則視船身大小另行酌量抽捐總以仿照租界章程減半為度如可照行希即飭縣會示曉諭以便起辦是否之處相應呈請為此呈請

貴道察照示復施行

右呈上海道

江海關道札遷租界內華人墳墓文 同治十一年

為札飭事本年三月十五日據辦理洋務委員葛令繩孝丁
大使紹芬稟稱竊前奉札委會勘租界基地往往見有荒塚
累累要皆華人將地已租與洋商迄未遷葬在當時租定之
始不無允遷彼洋商於租地甫經成交起造有待原不致有
挖殘拋棄之虞無如出租之華人賢否不齊使其素行游蕩
間有於租地洋商處領過遷費仍置不與聞其或本欲搬遷
一時拮据無地改葬日久懈生一旦洋人需地造房迫不及
待彼有墳在地者明知不免而事出無奈只得聽其拋殘是
以立界之初每多屍棺挖掘白骨摧殘卑職等曾目擊情傷

稟請飭縣出示查禁一面傳諭租界國保嗣後遇有租地案件即責成本國地保隨時令遷該業戶得有地價不得藉口無資如遇非本主之棺既可寄葬來非無因亦由地保責成出租地主代為遷寄均不准仍前逗遛致奉查究等情到關據此合行札飭札到該縣即便出示剴切勸禁一面傳諭租界國保遵照嗣後洋商租地如有不遷墳棺任其摧殘一經查出定提該業戶及國保人等一併究懲仍將遵辦緣由具復毋違同治十一年三月二十六日札上海縣

江海關道示諭洋商租地仍照章會委查辦

同治三年

為出示曉諭事照得上海與西洋各國通商條約內載明通

商各口地方准令外國民人租地建造房屋居住經前道會同^美三國領事按照條約議定租地界址聽各國商民在於界內擇地租用其租契刊有成式內載章程如外國人在界內租定華民地畝不能由己便必須中國官憲與領事官查視其租地賃房無足妨礙方准租住由領事官填給租契送道蓋印給商收執定章原屬周密乃近今數年以來洋商租用中國地畝一經領事將租契移道即行蓋印送回並未照章由道委員查視以致屢有因地涉訟之案現經本代理道照會^美三國領事嗣後商民租中國地畝必須先行報明領事照會到道派員會同前往查視所租之地如無礙民居不

關方向照例稅契用印准其租用倘有關礙之處應不准租
仍由中外查視委員將如何有礙情形分晰稟復察奪至送
道蓋印租契須將租地坐落某縣圖保并向在中國何戶完
糧於契內逐一註明以便稽考仍由領事先行轉諭各洋商
一體遵照并飭委熟悉洋務情形之同知銜候補知縣陳令
福勳專辦查視租地除呈報
各憲暨札上海縣一體知照外合行示諭為此示仰中外商
民一體遵照辦理毋違特示